

ÁKVÖRÐUN FRAMKVÆMDASTJÓRNARINNAR

2008/EES/78/03

frá 3. nóvember 2005

um breytingu á I. og II. viðauka við ákvörðun 2003/634/EB um samþykkt áætlana um að ná stöðu viðurkenndra svæða og viðurkenndra eldisstöðva á svæðum sem ekki eru viðurkennd með tilliti til veirublæðingar og iðradreps í fiski(*)

(tilkynnt með númeri C(2005) 4185)

(2005/770/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 91/67/EBE frá 28. janúar 1991 um skilyrði á sviði heilbrigðis dýra sem hafa áhrif á markaðssetningu fiskeldistegunda og -afurða⁽¹⁾, einkum 2. mgr. 10. gr.,

og að teknu tilliti til eftirfarandi:

- 1) Með ákvörðun framkvæmdastjórnarinnar 2003/634/EB⁽²⁾ eru áætlanir, sem hin ýmsu aðildarríki hafa gert, samþykktar og tilgreindar. Áætlunum er ætlað að gera aðildarríkjunum kleift að hefja málsmeðferð síðar meir til þess að svæði eða eldisstöð á svæði, sem ekki er viðurkennt, geti öðlast stöðu viðurkennds svæðis eða viðurkenndrar eldisstöðvar, á svæði sem er ekki viðurkennt, með tilliti til fisksjúkdómanna veirublæðis (VHS) og iðradreps (IHN).
- 2) Áætluninni, sem á við um Finnland með tilliti til iðradreps á öllu yfirráðasvæði þess og veirublæðis á svæðum inn til landsins á yfirráðasvæði þess, er lokið og ber að eyða henni úr I. viðauka við ákvörðun 2003/634/EB.
- 3) Áætluninni, sem á við um Incubatoio ittico di valle — Loc. Cascina Prella — Traversella (TO), er lokið og ber að eyða henni úr II. viðauka við ákvörðun 2003/634/EB.

4) Breyta ber ákvörðun 2003/634/EB til samræmis við þetta.

5) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferli og heilbrigði dýra.

SAMÞYKKT ÁKVÖRÐUN ÞESSA:

I. gr.

Ákvörðun 2003/634/EB er breytt sem hér segir:

1. Í stað I. viðauka komi I. viðauki við þessa ákvörðun.
2. Í stað II. viðauka komi II. viðauki við þessa ákvörðun.

2. gr.

Ákvörðun þessari er beint til aðildarríkjanna.

Gjört í Brussel 3. nóvember 2005.

Fyrir hönd framkvæmdastjórnarinnar,

Markos KYPRIANOU

framkvæmdastjóri.

(*) Þessi EB-gerð birtist í Stjtið. ESB L 291, 5.11.2005, bls. 33. Hentar var getið í ákvörðun sameiginlegu EES-nefndarinnar nr. 141/2006 frá 8. desember 2006 um breytingu á I. viðauka (Heilbrigði dýra og plantna) við EES-samninginn, sjá EES-viðbætur við Stjórnartíðindi Evrópusambandsins nr. 15, 29.3.2007, p. 5.

⁽¹⁾ Stjtið. EB L 46, 19.2.1991, bls. 1. Tilskipuninni var síðast breytt með reglugerð (EB) nr. 806/2003 (Stjtið. ESB L 122, 16.5.2003, bls. 1).

⁽²⁾ Stjtið. ESB L 220, 3.9.2003, bls. 8. Ákvörðuninni var síðast breytt með ákvörðun 2005/414/EB (Stjtið. ESB L 141, 4.6.2005, bls. 29).

I. VIÐAUKI

„I. VIÐAUKI

ÁÆTLANIR SEM ERU LAGÐAR FRAM TIL AÐ NÁ STÖÐU VIÐURKENNDS SVÆÐIS MEÐ TILLITI TIL FISKSJÚKDÓMANNA VEIRUBLÆÐIS OG IÐRADREPS

1. DANMÖRK

ÁÆTLANIRNAR, SEM DANMÖRK LAGÐI FRAM 22. MAÍ 1995, NÁ YFIR:

- vatnasvið FISKEBÆK Á,
- ALLT JÓTLAND sunnan og vestan vatnasviða Storåen, Karup Á, Gudenåen og Grejs Á,
- allar DANSKAR EYJAR.

2. ÞÝSKALAND

ÁÆTLUNIN, SEM ÞÝSKALAND LAGÐI FRAM 25. FEBRÚAR 1999, NÆR YFIR:

- svæði á vatnasviðinu „OBERN NAGOLD“.

3. ÍTALÍA

3.1. ÁÆTLUNIN, SEM ÍTALÍA LAGÐI FRAM Í SJÁLFSTJÓRNARSÝSLUNNI BOLZANO 6. OKTÓBER 2001, EINS OG HENNI VAR BREYTT Í BRÉFI FRÁ 27. MARS 2003, NÆR YFIR:

Zona Provincia di Bolzano

- Svæðið nær yfir öll vatnasvið í sýslunni Bolzano.

Svæðið tekur til efri hluta svæðisins ZONA VAL D'ADIGE, þ.e. vatnasviðs árinna Adige, frá upptökum hennar í sýslunni Bolzano að landamærum sýslunnar Trento.

(Ath.: Neðri hluti svæðisins ZONA VAL D'ADIGE fellur undir samþykktu áætlunina um sjálfstjórnarsýsluna Trento. Litið er svo á að efri og neðri hluti þessa svæðis séu ein heild í faraldsfræðilegu tilliti.)

3.2. ÁÆTLANIRNAR, SEM ÍTALÍA LAGÐI FRAM FYRIR SJÁLFSTJÓRNARSÝSLUNA TRENTO 23. DESEMBER 1996 OG 14. JÚLÍ 1997, NÁ YFIR:

Zona Val di Sole e Val di Non

- Vatnasviðið frá upptökum vatnsfallsins Noce að S. Giustina-stíflunni.

Zona Val d'Adige — neðri hlutinn

- Vatnasvið árinna Adige ásamt upptökum hennar á yfirráðasvæði sjálfstjórnarsýslunnar Trento frá landamærum sýslunnar Bolzano að Ala-stíflunni (vatnsorkuver).

Ath.: Efri hluti svæðisins ZONA VAL D'ADIGE fellur undir samþykktu áætlunina um sýsluna Bolzano. Litið er svo á að efri og neðri hluti þessa svæðis séu ein heild í faraldsfræðilegu tilliti.)

Zona del torrente Arnò

- Vatnasviðið frá upptökum fljótsins Arnò að hindrununum forstremis áður en Arnò rennur í ána Sarca.

Zona Val Banale

- Vatnasvið Ambies-lægðarinnar að stíflunni sem er við vatnsorkuver.

Zona Varone

- Vatnasviðið frá upptökum fljótsins Magnone að fossinum.

Zona Alto e Basso Chiese

- Vatnasvið árinna Chiese frá upptökum að Condino-stíflunni, að frátöldum Adanà- og Palvico-lægðunum.

Zona del torrente Palvico

- Vatnasvið Palvico-fljótsins að hindrun sem er gerð úr steinsteypu og grjóti.

3.3. ÁÆTLUNIN, SEM ÍTALÍA LAGÐI FRAM FYRIR HÉRAÐIÐ VENETO 21. FEBRÚAR 2001, NÆR YFIR:**Zona del torrente Astico**

- Vatnasvið árinna Astico frá upptökum hennar (í sjálfstjórnaarsýslunni Trento og í sýslunni Vicenza í héraðinu Veneto) að stíflunni sem er í grennd við Pedescala-brúna í sýslunni Vicenza. Litið er svo á að áin Astico, forstremis á milli stíflunnar, sem er í grennd við Pedescala-brúna, og Pria Maglio-stíflunnar, sé sóttvarnabelti.

3.4. ÁÆTLUNIN, SEM ÍTALÍA LAGÐI FRAM FYRIR HÉRAÐIÐ UMBRIA 20. FEBRÚAR 2002, NÆR YFIR:

Zona Fosso di Monterivoso: vatnasvið árinna Monterivoso frá upptökum hennar að ófæru hindrununum við Ferentillo.

3.5. ÁÆTLUNIN, SEM ÍTALÍA LAGÐI FRAM FYRIR HÉRAÐIÐ LOMBARDIA 23. DESEMBER 2003, NÆR YFIR:

Zona valle del torrente Venina: vatnasvið árinna Vienna frá upptökum og með eftirtöldum endimörkum:

- í vestri: dalurinn Livrio,
- í suðri: Orobie-alparnir frá Publino-skarðinu að tindinum Redorta,
- í austri: dalirnir Armisa og Armisola.

3.6. ÁÆTLUNIN, SEM ÍTALÍA LAGÐI FRAM FYRIR HÉRAÐIÐ TOSCANA 23. SEPTEMBER 2004, NÆR YFIR:

Zona valle di Tosi: vatnasvið árinna Vicano di S. Ellero frá upptökum að hindruninni við Il Greto nálægt þorpinu Raggioli.

4. FINNLAND

4.1. ÁÆTLUNIN UM AÐ VEIRUBLÆÐI KOMI EKKI UPP, SEM FINNLAND LAGÐI FRAM 29. MAÍ 1995 OG NÆR YFIR SÉRSTAKAR RÁÐSTAFANIR TIL ÚTRÝMINGAR, EINS OG HENNI VAR BREYTT Í BRÉFI FRÁ 27. MARS 2002, 4. JÚNÍ 2002, 12. MARS 2003, 12. JÚNÍ 2003, 20. OKTÓBER 2003 og 17. MAÍ 2005, NÆR YFIR:

- öll strandsvæði FINNLANDS með sérstökum ráðstöfunum til útrýmingar í:
- Ålandssýslu,
- svæði í Pyhtää, sem takmarkanir gilda um,
- svæði sem takmarkanir gilda um og nær yfir sveitarfélögin Uusikaupunki, Pyhäranta og Rauma.

5. KÝPUR

ÁÆTLANIRNAR, SEM KÝPUR LAGÐI FRAM 20. APRÍL 2004, NÁ YFIR:

- allt yfirráðasvæði Kýpur.⁽¹⁾

—————

(1) Áætluninni lýkur með þessari ákvörðun hvað varðar íðradrep þar sem viðurkenning hefur verið veitt vegna þess.

II. VIÐAUKI

II. VIÐAUKI

ÁÆTLANIR SEM ERU LAGÐAR FRAM TIL AÐ NÁ STÖÐU VIÐURKENNDRAR ELDISSTÖÐVAR Á SVÆÐI SEM ER EKKI VIÐURKENNT MEÐ TILLITI TIL FISKSJÚKDÓMANNA VEIRUBLÆÐIS OG IÐRADREPS

1. ÍTALÍA

- 1.1. ÁÆTLUNIN, SEM ÍTALÍA LAGÐI FRAM FYRIR SÝSLUNA UDINE Í HÉRAÐINU FRIULI VENEZIA GIULIA, 2. MAÍ 2000, NÆR YFIR:

Eldisstöðvar á vatnasviði árinna Tagliamento:

— Azienda Vidotti Giulio s.n.c., Sutrio.

- 1.2. ÁÆTLUNIN, SEM ÍTALÍA LAGÐI FRAM FYRIR HÉRAÐIÐ VENETO 21. DESEMBER 2003, NÆR YFIR:

Eldisstöðina:

— Azienda agricola Bassan Antonio.“
